

curs 2014-2015

# avaloracion diagnostica educacion segondària obligatòria competéncia comunicativa: aranés

Nòm e cognòms

Grop



Generalitat de Catalunya  
Departament  
d'Ensenyament

Damb era collaboracion deth Conselh Generau d'Aran



Consell Superior  
d'AVALUACIÓ  
del Sistema Educatiu

# Tèxte 1: Kilian Jornet: era mia enfança

Lieg eth tèxte damb atencion e respon es questions.



Era mia enfança siguec era d'un mainatge normau. Quan non èra ena escòla m'agradaua jogar pes entorns dera casa des mèns pairs, solet, damb era mia fraia o damb amics der estudi que venguen a passar bèra tarde. Hègem ath magatalh, jogàuem a acaçar-mos, construïem cabanes e fortaleses, e transformauem er entorn en paratges imaginaris d'imatges de comics o pellicules. Jamès è estat ua d'aqueres personnes que s'embarren en casa, e aguí era sòrt de qu'es mèns pairs viuessen en un refugi de montanya, a on eth mèn pair travalhaue de guarda, plaçat a 2.000 mètres de

nautada, en versant nòrd dera Cerdanya, entre tucs fronterers damb França e Andòrra. Eth mèn terren de jòc jamès a estat un carrèr o un pati: an estat es bòsqui deth Cap deth Rec, es pistes d'esquí de hons e es montanyes dera Tossa Plana, era Muga, eth pòrt de Perafita... Aquiu siguec a on comencè a descorbir eth fascinant mon dera natura. En tornar dera escòla, encara non auíem deishat es morralets en minjador e ja èrem dehòra grimpant pes ròques o espenjoladi en ua branca d'arbre en ostiu, o sautant pes prats nheuadi damb es esquis de hons en iuèrn.

Atau passeren lèu es ans, entre jòcs ath torn deth refugi e excursions es dimenjades e es vacances. Tostemp qu'auíem dus o mès dies de hèsta profitàuem entà anar a explorar ua montanya naua. Quan era mia fraia e jo ja caminàuem, comencèrem a pujar es montanyes qu'auíem mès ara man, es tucs de mès apròp deth refugi. E progressivament anèrem cercant naues aventures mès luenh. Damb tres ans ja auia coronat era Tossa Plana, eth Perafita e era Muga. E en çò que hè as cimes der Aneto, damb sies ans hi eth mèn prumèr quate mil, e damb détz, completàuem era trauèssa des Pirenèus en quaranta dus dies... Mès jamès hérem aguestes excursions següint es passi des nòsti pairs. Ei vertat qu'èren eri que mos amiauen enquiat cap e mos guidauen, mès èrem nosati es qu'auíem de descorbir eth camin, cercar es senhaus e compréner perqué passau per un costat e non per autre. Non èrem cap simples observadors d'aquerò que passau en nòste entorn, senon qu'era montanya aquerie un significat mès ample qu'eth de terren tà divertir-se. Ère un terren damb vida, qu'auíem de conéisher entà poder-mos-i botjar damb seguretat, entà poder-lo interpretar e preveir-ne es perilhs. En fin, mos auíem d'adaptar ath terren a on auíem neishut.

E atau siguec com es nòsti pairs mos ensenhèren a estimar era montanya: hènt-mos a sénter part d'era. Perque en hons ua montanya ei com ua persona: tà estimar-la prumèr la cau conéisher e un viatge coneishuda, pòs saber quan ei enfadada e quan contenta, com tractar-la, com jogar damb era, com cuedar-la quan li hèn mau, quan vau mès non molestar-la... Mès era diferència damb quinsevolh persona ei qu'era montanya, era natura, era terra, ei immensament mès grana que tu. Non cau desbrembar jamès que tu sonque ès un petit punt, un puntet en espaci, en infinit, e qu'ei era qui decidís en quaussevolh moment se vò esfaçar o non aguest punt.

Kilian Jornet, *Córrer o morir* (tèxte adaptat)

## 1 Quines activitats hège Kilian Jornet en sòn temps liure quan ère petit?

- a. Estudiaue musica.
- b. Anuae tà classes de repàs.
- c. Jogaue a fotbòl damb es sòns amics.
- d. Corrie pes montanyes.

# Tèxte 1: Kilian Jornet: era mia enfança

## 2 A on viuie Kilian Jornet de petit?

- a. França.
- b. Andòrra.
- c. Era Cerdanya.
- d. Era Muga.

0-1



## 3 Quines montanhes auie pujat Kilian damb tres ans?

.....  
.....

0-1



## 4 Quina edat auie Kilian Jornet quan hec eth sòn prumèr quate mil?

- a. Tres ans.
- b. Sies ans.
- c. Dètz ans.
- d. Dotze ans.

0-1



## 5 Perqué es pairs de Kilian Jornet deishauen qu'eth e era sua fraia descorbissen eth camin enquiath cap dera montanha per eri madeishi?

- a. Perque non i auie perilh en camin.
- b. Entà acostumar-se ath clima de nauta montanha.
- c. Entà qu'aprenessen a orientar-se ena montanha.
- d. Tà comprovar qu'eth e era sua fraia s'ajudauen entre eri.

0-1



## 6 Mèrca damb ua X s'eí vertadèra (V) o faussa (F) cada ua d'aguestes frases:

- |   | V                        | F                        |
|---|--------------------------|--------------------------|
| a. Kilian jogaue de petit damb era sua fraia.           | <input type="checkbox"/> | <input type="checkbox"/> |
| b. Casa sua ère a 2.500 mètres de nautada.              | <input type="checkbox"/> | <input type="checkbox"/> |
| c. Tostemp que podie pujauet tòs tucs dera Tossa Plana. | <input type="checkbox"/> | <input type="checkbox"/> |
| d. Aprenec des de ben petit a adaptar-se ara montanha.  | <input type="checkbox"/> | <input type="checkbox"/> |

0-1



0-1



0-1



## 7 Indica er orde en qué s'expòsen es hèts en tèxte:

A.  Realizèc es sues prumères rotes pera montanha.	B.  Aprenec a orientar- se e espavilhar-se ena montanha.	C.  Jogaue de petit damb es sòns amics pes bòsqui.	D.  Aprenec a estimar era montanha.
--	--	--	--

- a. A → B → D → C
- b. C → A → B → D
- c. C → D → B → A
- d. D → C → A → B

0-1



# Tèxte 1: Kilian Jornet: era mia enfança

---

**8** Eth pronòm 'la' ena expression (soslinhada en tèxte) "la cau conéisher" se referís a:

- a. era fraia.
- b. era mair.
- c. era natura.
- d. era montanya.

0-1



**9** Indica quina ei era forma verbau adequada ena següenta proposicion:

Quan Kilian ère petit \_\_\_\_\_ es montanhes qu'auie mès apròp de casa.

- a. pugèc
- b. a pujat
- c. pujarie
- d. aguesse pujat

0-1



**10** Quin tipe de tèxte as liejut?

- a. Autobiografic sus era vida der autor.
- b. Narratiu en tresau persona.
- c. Descriptiu sus era sua enfança.
- d. Expositiu sus era formacion d'un esportista.

0-1



## Tèxte 2: “Papa, m'estimi mès auer ua tauleta qu'un coche”

Lieg eth tèxte damb atencion e respon es questions.



Isabèl, madrilènha de 18 ans qu'ara estúdie en Berlin, s'acabe de trèir eth permís de condusir. “Mès sonque per se'n futur l'auessa de besonh”, aclarís. Non a intencion, “ne ganes”, de crompar-se un coche. “Tà qué? Ei ua carga mantier-lo. Pogui anar en transpòrt public, en bici, compartir o logar-ne un. Tostemp i a bèra alternativa. Ei ua despena innecessària, m'estimi mès invertir es sòs en d'autas causes”, opine.

Es fabricants de coches son preocupadi. Era generacion deth millèni, es neishudi entre es ans 1980 e 2000, sembla mens interessada en aquerir bens tradicionaus coma cases e coches. M'estimi mès crompar telefòns mobils, dispositius tecnologics e ròba.

Non ei eth prumèr còp que saute era alarma en sector. Tradicionaument, eth coche s'auie convertit en un simbèu de maduresa, prosperitat, libertat. Mès es tempsi an cambiat.

En Espanha cada viatge i a mens conductors joeni. Tà quauqu'uns, era devarada d'aguest tipe de conductors se deu exclusivament ara crisi. “Ei vertat qu'ara ja non vien tanti a treiguer-se eth carnet quan complissen es 18. Mès non perque non volguen, senon perque non pòden. Tà qué s'an de gastar aqueri sòs, se dempús non poderàn crompar-se un coche?”, se ditz. “Em convençudi de que quan s'acabe era crisi tornaràn tás autoescòles. Es que vien ac hèn damb era madeisha illusion qu'abans”, opine.

Era crisi e tanben er envielhiment dera poblacionn expliquen en part aguest cambi de tendéncia, mès i a d'auti factors. Er estudi realizat en EE UU descorbic que joeni procedenti de famílies damb ingrèssi annaus superiors as 70.000 dòlars annaus (51.500 euros) an duplicat er usatge deth transpòrt public e bicicleta es darrèri dètz ans. Ei a díder, es mens afectadi pera crisi tanben dan era esquia ath coche.

I a un cambi de prioritats. Quan eth pressupòst ei ajustat, s'elimine ua despena tan grana coma era que supose un coche. Es despenes que represente auer un veïcul (assegurança, impòst de circulacion, combustible, parcatge) son fòrça nauti.

Mentre qu'er automobil se percep cada còp mès com ua carga, era tecnologia aucupe eth sòn lòc como simbèu dera libertat. “Er usatge des hilats sociaus a redusit eth besonh des joeni d'utilizar eth coche. Era connexion constanta damb amics que permeten es hilats sociaus e es aplicacions de messatgeria instantanèa hèn que ja non sigue tan imprescindible gésser de casa e condusir entà èster damb quauquarrés”.

Es naues tecnologies, per un aute costat, an beneficiat eth desenvolopament de formes de transpòrt alternatives. En toti es païsi creishen es plataformes en Internet que meten en contacte a personnes que vòlen compartir coche tà repartir es despenes de viatges, e tanben creishen es usatgers de servicis d'automobils, bicicletes o mòtos compartides, especialment enes ciutats. En Espanha ja existissen diuèrses plataformes d'aguest tipe.

Eth rapide avançament d'aguesta forma de transpòrt alternatiu a a veir damb eth creishement d'aquerò que se coneish coma consum collaboratiu, referit ara practica de compartir, escambiar, prestar, logar o regalar bens o servicis entre ciutadans. Ei un indicí deth cambi de mentalitat que i a ara”.

Raquel Vidales, *El País* (tèxte adaptat)

## Tèxte 2: “Papa, m'estimi mès auer ua tauleta qu'un coche”

### 1 Qué acabe d'obtier Isabèl?

- a. Un nau trabalh.
- b. Ua bèca tà estudiar en Berlin.
- c. Un coche.
- d. Eth permís de condusir.

0-1



### 2 Segontes eth tèxte, quines alternatives a Isabèl a part deth coche?

.....

0-1



### 3 Qué les preocupe, segontes eth tèxte, as fabricants de coches?

- a. Poder aufrir boni coches a prètzi competitius.
- b. Eth dessenh des coches dera competéncia.
- c. Qu'es joeni ja non crompen tanti coches.
- d. Era crisi e era queiguda des vendes de coches.

0-1



### 4 Quines tres rasons, segontes eth tèxte, expliquen era devarada de conductors joeni en España?

.....

0-1



### 5 Escriu a quines despenes, ath delà dera gasolina, a de hèr front eth proprietari d'un coche:

.....

0-1



### 6 Mèrca damb ua X s'eí vertadèra (V) o faussa (F) cada ua d'aguestes frases:

V	F	0-1
<input type="checkbox"/>	<input type="checkbox"/>	0-1
<input type="checkbox"/>	<input type="checkbox"/>	0-1
<input type="checkbox"/>	<input type="checkbox"/>	0-1
<input type="checkbox"/>	<input type="checkbox"/>	0-1

- a. En EEUU sonque es joeni damb escassi recorsi utilizen es transpòrts publics.
- b. Es despenes que represente auer un veïcul son escasses.
- c. Enquia ara, eth coche ère un simbèu de maduresa e libertat.
- d. Gràcies as hilats sociaus es joeni non an tant de besonh deth coche tà relacionar-se.

0-1



### 7 Escuelh eth nexe adequat (entre es options a, b, c, d) tà completar era proposicion: “Abans, eth coche ère un signe de libertat, \_\_\_\_\_, ara n'eí era tecnologia”.

- a. entà
- b. totun
- c. gràcies a
- d. maugrat de

0-1



## Tèxte 2: “Papa, m'estimi mès auer ua tauleta qu'un coche”

---

**8** Segontes eth tèxte, qué ei çò que mès interèsse as joeni “dera generacion deth millèni”?

- a. Crompar objèctes materiaus.
- b. Relacionar-se e collaborar damb es auti.
- c. Crompar-se un coche.
- d. Logar ua casa tà víuer.

0-1

**9** Qué ei eth consum collaboratiu?

.....  
.....

0-1

**10** Escriu ua expression equivalenta a ‘an beneficiat’ (soslinhat en tèxte) ena proposicion “es naues tecnologies an beneficiat eth desenvolopament de formes de transpòrt alternatives”:

- a. an favorit
- b. an suposat
- c. an descorbit
- d. an promocionat

0-1

**11** Quin des següenti títols exprèsse mès ben eth tèma d'aguest tèxte?

- a. Es joeni non pòden crompar-se coches.
- b. Cada còp i a mès conductors d'edat.
- c. Era joenessa deth sègle XXI
- d. Es nauí interèssi des joeni.

0-1

**12** Quin tipe de tèxte as liejut?

- a. Un fragment de novèla.
- b. Un tèxte descriptiu.
- c. Ua cronica periodistica.
- d. Un tèxte expositiu.

0-1

# Expression escrita

---

## EXERCICI D'ORTOGRAFIA

**1** Complèta es paraules metent era letra o es letres (e er accent, s'ei de besonh) en espaci correspondent.

- a. Kilian Jornet a pujat força monta\_\_es.
- b. Eth mèn frair s'a crompat un co \_\_ e ibrid.
- c. È de \_\_èr ua comission.
- d. En aguest cement\_\_ri reposauen es sòns avantpassats.
- e. A Maria li crompè ua pe\_\_a blua en mercat.

## EXERCICI DE PUNTUACION

**2** D'entre toti es signes de puntuacion (virgula, punt e virgula, punt finau, punts suspensius, signes d'interrogacion o exclamacion, etc.) utiliza es que siguen de besonh tà méter enes espacis en blanc.

Ath delà, as de corregir e méter en majuscula, quan convengue, era prumèra letra deth mot que comence era proposicion.

Era mia mair \_\_ (1) era mia fraia e jo gessérem a passejar peth bòsc a escures. Era mia fraia petita me didec\_\_ (2)

-È pour! Tu non\_\_ (3)

Jo li responí\_\_ (4)

- Non te preocunes.

Jo sabia qu'en bòsc pirenenc non i podie auer cap de perilh\_\_ (5) mès vertadèrament aquerò que la espantaue ère era escuretat.

# Redaccion

Partint deth tèxte 1, desvolòpa eth tèma següent:

**QUE HÈGES EN GÉSSER DERA ESCÒLA QUAN ÈRES PETIT?**

**Escriu entre 10 e 15 llinhes. Se n'escriues mens de 10, non se te corregirà era redaccion e era tua puntuacion se veirà afectada.**

Te recomanam que seguisques aguest procediment:

1. planificacion, esquèma des idies que desvoloparàs;
2. prumèra version dera redaccion;
3. revision, correcccion e version definitiva.

**Pòs servir-te d'aguesta huelha coma brolhon.**

# Redaccion

Utilize aquesta pagina entara redaccion definitiva.

QUE HÈGES EN GÉSSER DERA ESCÒLA QUAN ÈRES PETIT?

0-1-2  
-3-4



A

0-1-2  
-3-4



R

0-1-2  
-3-4



S

0-1-2  
-3-4



L

0-1-2  
-3-4



FO O

0-1-2  
-3-4



M

0-1



P

Fòrça gràcies pera tua collaboracion.